

## Helen Wilks

Arweinydd Gweithrediadau  
GE Aviation



Llywodraeth Cymru  
Welsh Government

## Beth yw prentisiaeth?

Mae prentisiaethau'n cyflenwi'r gweithwyr medrus sydd eu hangen ar gyflogwyr nawr ac yn y dyfodol, felly dyma'r amser delfrydol i gymryd rhan yn y rhaglen.

Mae cyflogwyr a phrentisiaid fel ei gilydd yn gwerthfawrogi prentisiaethau yn fawr iawn, ac mae cyfraddau cwblhau'r fframwaith dros 80% yn gyson. Mae prentisiaethau yn elfen hanfodol o sicrhau llwyddiant a ffyniant economaidd yng Nghymru. Trwy fuddsoddi mewn sgiliau, rydym hefyd yn buddsoddi yn nyfodol y genedl. Mae Llywodraeth Cymru yn ymrwmo i ddarparu o leiaf 100,000 o brentisiaethau o ansawdd uchel erbyn 2021, sydd ar gael i bobl o bob oed.

Mae prentisiaethau wedi'u cynllunio o amgylch anghenion y cyflogwr, a gallant helpu i weddnewid busnesau trwy gyflenwi'r gweithwyr medrus sydd eu hangen ar gyflogwyr ar gyfer y dyfodol. Gall cyflogwyr o bob math gael gafael ar hyfforddiant o ansawdd uchel a fydd yn llywio economi seiliedig ar wybodaeth, gan alluogi cyflogwyr a'u gweithwyr cyflogedig i wireddu eu potensial yn llawn.

Mae prentisiaid yn gweithio ochr yn ochr â gweithwyr profiadol er mwyn ennill sgiliau penodol i'r swydd. Ar yr un pryd, fe fyddan nhw'n astudio tuag at gymhwyster cenedlaethol cydnabyddedig gan goleg, prifysgol neu ddarparwr hyfforddiant cymeradwy. Mae cyflogwyr yn talu eu cyflogau ac mae Llywodraeth Cymru yn cynnig cymorth ar gyfer y rhan fwyaf o'r costau hyfforddiant.

## Ydw i'n gymwys?

Yng Nghymru mae busnesau o bob maint yn gymwys. Chi, y cyflogwr, fydd yn gyfrifol am gyflwyno'r rhan fwyaf o'r hyfforddiant, ac fe fyddwch chi'n gweithio gyda darparwr hyfforddiant cymeradwy, a fydd yn rheoli rhaglen hyfforddi ac asesu'r prentis. Gall unrhyw un dros 16 oed yng Nghymru wneud cais am brentisiaeth a manteisio ar y cyfleoedd sydd ar gael.

## Manteision posibl i'ch busnes:

- Mae Llywodraeth Cymru yn cyfrannu at y rhan fwyaf o'r costau hyfforddiant, felly byddwch chi'n arbed arian
- Mae lefelau a mathau gwahanol o brentisiaethau ar gael, yn unol â'ch anghenion fel cyflogwr
- Bylchau sgiliau neu brinder sgiliau? Mae prentisiaethau wedi'u cynllunio i'w llenwi. Felly, byddwch wedi'ch paratoi'n well ar gyfer y dyfodol
- Maen nhw'n eich galluogi i ddatblygu doniau'ch gweithwyr cyflogedig newydd a phresennol
- Mae prentisiaethau ar gael mewn llawer o ddiwydiannau a swyddi – felly gallwch gael gafael ar hyfforddiant sy'n berthnasol i'ch busnes
- Datblygu gweithlu proffesiynol a medrus

# Dewiswch Brentisiaeth sy'n addas i'ch busnes

Enw	Lefel	Lefel addysgol gyfwerth
Sylfaen	2	5 TGAU / NVQ Lefel 2
Prentisiaeth	3	5 TGAU neu 2 Safon Uwch / NVW Lefel 3
Uwch	4-5	HND / HNC Gradd Sylfaen neu Anrhydedd
Gradd	6	Gradd Faglor

## Sut i gymryd rhan

Byddai prentisiaid yng Nghymru yn dilyn Fframwaith Prentisiaeth sy'n addas i'w hanghenion a'u lefel. Fel cyflogwr, dylech weithio gyda'ch darparwr hyfforddiant i ystyried y fframwaith mwyaf addas.

### Cam 1

Dewiswch fframwaith prentisiaeth yn eich diwydiant ar lefel addas. Gallwn eich helpu i ddod o hyd i ddarparwr hyfforddiant sy'n cynnig fframwaith prentisiaeth sy'n addas i'ch busnes.

### Cam 2

Cysylltwch â darparwr hyfforddiant cymeradwy sy'n gallu'ch helpu i ddod o hyd i Brentisiaeth sy'n addas i'ch busnes. Bydd y darparwyr hyfforddiant yn gweithio gyda'ch busnes i ddarparu rhaglenni dysgu seiliedig ar waith o ansawdd uchel, gan drefnu hyfforddiant, cymwysterau ac asesiadau'ch prentisiaid.

### Cam 3

Hysbyseb wch eich prentisiaeth wag ar Wasanaeth Paru Prentisiaid er mwyn dod o hyd i brentis sy'n addas ar gyfer eich busnes.

### Cam 4

Trafodwch gyflog sy'n adlewyrchu sgiliau a phrofiad yr unigolyn. Efallai y bydd gofyn i chi gyfrannu at rywffaint o'r costau hyfforddi hefyd.

## Yr Ardoll Brentisiaethau

### Beth mae'n ei olygu i'ch busnes?

Mae'r Ardoll Brentisiaethau yn dreth gyflogaeth ledled y DU a gyflwynwyd gan Lywodraeth y DU ar 6 Ebrill 2017. Mae'r Ardoll yn berthnasol i bob cyflogwr yn y DU, a bydd cyflogwyr sydd â 'bil tâl' blynyddol o £3 miliwn neu fwy yn gorfod talu'r Ardoll. Mae'n cael ei chasglu ledled y DU gan Gyllid a Thollau Ei Mawrhydi trwy'r cynllun Talu Wrth Ennill.

## Mae pob prentisiaeth yn cynnwys:

- Cymhwyster o gymhwysedd o dan Fframwaith Cymwysterau a Chredydau Cymru (FfCC)
- Cymhwyster technegol sy'n berthnasol i'r sgil, crefft neu alwedigaeth benodol ar gyfer y Brentisiaeth dan sylw
- Cymwysterau Sgiliau Hanfodol (os yn berthnasol) gan gynnwys cymhwyso rhif, cyfathrebu, a sgiliau llythrennedd digidol
- Cymwysterau neu ofynion eraill a nodir ar gyfer yr alwedigaeth dan sylw.

## Hysbyseb wch eich prentisiaeth wag ar y Gwasanaeth Paru Prentisiaid

Y Gwasanaeth Paru Prentisiaid yw'r system recriwtio ar-lein swyddogol ar gyfer prentisiaethau yng Nghymru. Mae'n rhoi llwyfan am ddim i gyflogwyr hysbysebu prentisiaethau gwag o safon y gall ymgeiswyr o bob cwr o'r wlad sy'n cofrestru ar-lein eu gweld a gwneud cais amdanynt. Mae'r gwasanaeth paru ar-lein hwn yn helpu cyflogwyr i ddod o hyd i brentisiaid addas, ac yn rhoi cyfleoedd cyffrous i ddarpar brentisiaid mewn busnes sy'n addas ar eu cyfer. Gall cyflogwyr adolygu'r ceisiadau, eu hidlo ar gyfer creu rhestr fer a gwahodd ymgeiswyr i gyfweiliadau.

I gael rhagor o wybodaeth ewch i:  
**busnescymru.llyw.cymru/porthsgiliau/  
prentisiaethau** neu ffoniwch **03000 6 03000**

 **Prentisiaethaucymru**  
 **@prentisiaethaucymru**

 **Prentisiaethau  
Apprenticeships**

